

La BCG investescha en la regiun Tusaun

Renovaziun da la halla da clientella ed amplificaziun da la cussegliaziun

Cuira, ils 28 d'avust 2018 – Glindesdi proxim cumenzan las lavurs da renovaziun en la sedia regionala da la Banca Chantunala Grischuna (BCG) a Tusaun. Sper ina halla da clientella nova profiteschon las clientas ed ils clients a partir da quest atun era d'ina nova moda da cussegliaziun en in ambient modern. La reavertura ha lieu ils 22 d'october 2018.

Ils basegns ch'ina banca moderna sto ademplier èn sa midads. Las clientas ed ils clients liquideschan blers affars da banca pli e pli savens via chanals electronics. En ina filiala van els en emprima lingia pervia da la cussegliaziun persunala. Al spurtegl vegn retratg adina damain daner contant. La BCG reagescha sin quest svilup ed adattescha cun la [sedia regionala a Tusaun](#) la quarta sedia pli gronda a questas pretensiuns.

Dapli cussegliaziun en in ambient modern

Dals 3 da settember fin ils 21 d'october 2018 transfurma la BCG cumpletmain sia halla da clientella en la sedia regionala a Tusaun. Durant quel temp pon ins far diever da tut ils servetschs en in provisorio da banca en il medem lieu. A partir da l'avertura ils 22 d'october 2018 profiteschon las clientas ed ils clients da las localitads renovadas e da la nova moda da cussegliaziun. Natiralmain èsi era vinavant pussaivel da retrair daner contant, quai però a moda adattada al temp. Suentar la renovaziun è la BCG Tusaun averta sco fin qua glindesdi fin venderdi, da las 08.30 fin las 12.00 e da las 13.30 fin las 17.00.

Il contact persunal stat en il center – amplifitgar soluziuns digitalas

«Sin dumonda èn pussaivels discurs da cussegliaziun individuals betg mo en banca, mabain era tar la clienta u il client a chasa», accentuescha Markus Kohler, manader da la regiun Tusaun, l'importanza dal contact persunal. Il medem mument investescha la BCG en l'amplificaziun da sias purschidas digitalas. Quai è per exempel il [center da clientella](#), nua che la clientella po empustar online daner contant e laschar trametter a chasa quel. U era l'[e-banking](#) ed il [mobile banking](#) per affars da banca davent da chasa u en viadi. Dapli davart las soluziuns online per ils affars da banca da tut las uras sin gkb.ch/digital.

Contact per ils collavuradors da medias:

Banca Chantunala Grischuna, Medias & Investor Relations, chascha postala, 7001 Cuira
Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per persunas privatas, l'economia ed il maun public. La banca occupa 996 collavuraturas e collavuradors (stadi dals 30-06-2018). En il chantun Grischun cun sias numerusas vals e pliras linguas, è l'interpresa represchentada cun 56 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaquint semestral preschenta ella cun ina summa da bilantscha da CHF 26 milliardas in gudogn dal concern da CHF 99,4 milliuns. Il scrit da participaziun BCG è quotà a la bursa dapi ils 10 da settember 1985.

Termins

Quint annual 2018: 8 da favrer 2019
Radunanza dals participants 2019: 4 da matg 2019
